


Fersiwn		5
Dyddiad Diwethaf	Diwygio	Mawrth 2021



## HS 8

# Polisi Menywod Beichiog yn y Gwaith

Mae'r ddogfen yma ar gael yn y Saesneg  
This document is available in English



**ENW'R POLISI**

Adran

Rhif ffôn

Dyddiad Cychwynol Cyflwyno'r Polisi

Swyddog Adolygu

Dyddiad Diwygio

Dyddiad yr Asesiad o'r Effaith ar Gydraddoldeb

**HANES DIWYGIO**

Dyddiad

Gorffennaf 1996

Chwefror 2005

Chwefror 2010

Awst 2016

Awst 2018

Mawrth 2021

**CYMERADWYO'R DDOGFEN**

Mae'r ddogfen yma wedi cael ei chymeradwyo gan:

Carfan Uwch Reolwyr Adnoddau Dynol

Carfan y Rheolwyr Corfforaethol

Cabinet

## CYNNWYS

1.	Cyflwyniad.....	1
2.	Datganiad Polisi .....	1
	<b>Canllawiau Polisi</b>	
3.	Aseidiadau Risg .....	2
4.	Dileu Risgiau .....	3
5.	Gweithio yn Ystod Nos.....	4
6.	Atal o'r Gwaith.....	4
7.	Hyfforddiant.....	4
8.	Hysbysiad .....	5
9.	Cofnodion .....	5
10.	Ystyriaethau Eraill.....	5
11.	Cyngor.....	6
	Rhestr i Reoli.....	7

## **1. CYFLWYNIAD**

- 1.1 Mae'r polisi yma wedi cael ei baratoi o ganlyniad i'r gofynion cyfreithiol sydd wedi'u nodi yn y Rheoliadau Rheoli Iechyd a Diogelwch yn y Gwaith, sy'n gosod dyletswydd ar y Cyngor o ran iechyd a diogelwch mamau newydd a beichiog.
- 1.2 Dyma sut mae'r Rheoliadau uchod yn diffinio mamau newydd a beichiog:
- menywod sy'n feichiog;
  - menywod sydd wedi rhoi genedigaeth o fewn y chwe mis blaenorol;
  - menywod sy'n bwydo o'r fron.
- 1.3 Mae rhoi genedigaeth yn golygu esgor ar blentyn neu, ar ôl 24 wythnos o fod yn feichiog, rhoi genedigaeth i blentyn marw-anedig.

## **2. DATGANIAD POLISI**

- 2.1 Bwriad y Cyngor yw sicrhau nad yw mamau newydd a beichiog yn cael eu hatal rhag parhau â'u cyflogaeth a thra eu bod nhw yn y gwaith, nad yw eu hiechyd a'u diogelwch (na iechyd a diogelwch eu plant heb eu geni) yn cael eu peryglu.
- 2.2 Pob Cyfarwyddwr neu Bennaeth Gwasanaeth sy'n gyfrifol am roi gofynion y polisi yma ar waith, a pharatoi strategaeth gweithredu briodol.

## **CANLLAWIAU POLISI**

### **3. ASESIAU RISG**

- 3.1 Pan fydd gweithwraig yn hysbysu ei rheolwr llinell ei bod hi'n feichiog, rhaid cynnal asesiad risg penodol i ganfod unrhyw risgiau posibl i'w hiechyd a diogelwch yn y gweithle.
- 3.2 Rhaid i'r risgiau yma gynnwys y rhai sy'n berthnasol i'r plentyn heb ei eni neu i weithwraig sy'n bwydo o'r fron yn ogystal â'r rheiny sy'n berthnasol i'r fam.
- 3.3 Dyma enghreifftiau o'r math o faterion a all gael eu hystyried wrth gynnal asesiadau risg:

Risgiau corfforol:

- symud ac osgo;
- codi a chario;
- sioc a dirgryniad;
- sŵn;
- ymbelydredd (sy'n ïoneiddio ac sydd ddim yn ïoneiddio).

Cyfryngau biolegol:

- afiechydon heintus.

Cyfryngau cemegol, gan gynnwys:

- cemegion gwenwynig;
- arian byw;
- plaladdwyr;
- carbon monocsid;
- plwm.

Amodau gwaith:

- cyfleusterau (gan gynnwys ystafelloedd lle y mae modd gorffwys);
- blinder meddyliol a chorfforol ac oriau gwaith;
- straen (gan gynnwys iselder ôl-enedigol);
- ysmegu goddefol;
- tymheredd;
- gweithio gyda Chyfarpar Sgrin Arddangos (DSE);
- gweithio yn unigol;
- gweithio ar uchder;
- teithio;
- trais;
- gweithio gydag offer diogelu personol.

3.4 Lle bo risg wedi'i hadnabod yn dilyn yr asesiad, rhaid hysbysu'r fam newydd/feichiog a/neu ei chynrychiolydd o'r risg a'r mesurau rheoli y mae angen eu gweithredu.

3.5 Rhaid adolygu'r asesiad risg yn barhaus er mwyn ystyried newidiadau mewn amgylchiadau.

#### **4. DILEU RISGIAU**

4.1 Ar ôl ymdrechion i leihau unrhyw ffactorau risg sy'n bodoli eisoes, os oes risg sylweddol yn y gwaith i iechyd a diogelwch mam newydd/feichiog o hyd (sy'n mynd y tu hwnt i lefel y risg sydd i'w disgwyl y tu allan i'r gweithle), yna rhaid cymryd y camau yma i'w diogelu:

- (i) addasu ei horiau gwaith a/neu ei hamodau gwaith dros dro. Os nad yw'n rhesymol gwneud hynny, neu na fyddai hynny'n osgoi'r risg, yna:
- (ii) rhaid cynnig gwaith amgen addas iddi hi (ar yr un gyfradd gyflog), os yw ar gael. Os dydy hyn ddim yn ymarferol, yna:
- (iii) rhaid ei hatal rhag gweithio (ar gyflog) am gyhyd ag y bo angen i amddiffyn ei hiechyd a'i diogelwch, ac iechyd a diogelwch y plentyn sydd heb ei eni.

- 4.2 Mae'r camau yma dim ond yn angenrheidiol lle mae pryder gwirioneddol o ganlyniad i asesiad risg. Os oes unrhyw amheuaeth, dylai rheolwyr geisio cyngor ychwanegol wrth bennu'r risgiau a phenderfynu a ydyn nhw'n deillio o'r gwaith, a hynny cyn cynnig cyflogaeth arall neu absenoldeb ar gyflog.

## **5. GWEITHIO YN YSTOD Y NOS**

- 5.1 Rhaid rhoi ystyriaeth arbennig i famau newydd neu feichiog sy'n gweithio yn ystod y nos. Os yw ymarferydd cofrestredig neu fydwraig gofrestredig yn cyhoeddi tystysgrif feddygol sy'n datgan y gall gweithio yn ystod y nos effeithio ar iechyd a diogelwch y fam neu'r plentyn, bydd angen:

- cynnig gwaith addas iddi hi yn ystod y dydd; neu os nad yw hynny'n rhesymol;
- ei hatal rhag gweithio (ar gyflog) am gyhyd ag y bo angen i amddiffyn ei hiechyd a'i diogelwch, ac iechyd a diogelwch y plentyn sydd heb ei eni.

- 5.2 Dylai'r camau yma gael eu cymryd dim ond os yw'r risg yn bodoli oherwydd y gwaith. Os yw gweithwraig feichiog yn datgan nad oes modd iddi hi weithio yn ystod y nos ac mae cwestiwn ynghylch a yw'r achos yn deillio o'i gwaith, yna efallai y bydd rhaid i chi ofyn am ragor o gyngor gan Adnoddau Dynol.

## **6. ATAL O'R GWAITH**

- 6.1 Os y bwriad yw atal y weithwraig rhag gweithio am resymau iechyd a diogelwch, bydd gwaith amgen dim ond yn addas os:

- yw'r gwaith yn addas iddi hi ac yn briodol iddi hi ei wneud o dan yr amgylchiadau; ac
- nad yw'r telerau a'r amodau sy'n berthnasol iddi hi ar gyfer cyflawni'r gwaith yn llai ffafriol na'r telerau a'r amodau sy'n berthnasol ar gyfer cyflawni ei gwaith arferol.

## **7. HYFFORDDIANT**

- 7.1 Rhaid i weithwyr sydd mewn perygl gael eu hysbysu a'u hyfforddi, fel bod unrhyw risgiau i'w hiechyd a'u diogelwch a/neu i'w plant sydd heb

eu geni yn cael eu cadw i'r lleiaf posibl.

## **8. HYSBYSU**

8.1 Dydy hi ddim yn ofynnol newid amodau neu oriau gwaith gweithwraig, na'i hatal rhag gweithio, nes iddi hysbysu ei rheolwr mewn ysgrifen ei bod hi'n feichiog, wedi rhoi genedigaeth o fewn y chwe mis blaenorol neu'n bwydo o'r fron. Yn ogystal â hynny, fydd dim rhaid cynnal yr amodau gwaith diwygiedig os yw'r weithwraig yn methu â chyflwyno tystysgrif feddygol sy'n cadarnhau ei beichiogrwydd yn ysgrifenedig o fewn amser rhesymol os bydd gofyn iddi hi wneud hynny. Mae'r eithriad hefyd yn berthnasol ar ôl dod i wybod nad yw'r weithwraig bellach yn fam newydd/feichiog, neu does dim modd cadarnhau hynny. Serch hynny, mae dyletswydd gyffredinol o dan Ddeddf Iechyd a Diogelwch yn y Gwaith etc. 1974 a'r Rheoliadau Rheoli Iechyd a Diogelwch yn y Gwaith i gymryd camau i ddiogelu iechyd a diogelwch mam newydd neu feichiog, hyd yn oed os nad yw wedi rhoi hysbysiad ysgrifenedig o'i chyflwr.

## **9. COFNODION**

9.1 Rhaid cadw cofnodion o'r canlynol:

- canfyddiadau arwyddocaol yr holl asesiadau risg sy'n ofynnol gan Reoliadau Rheoli Iechyd a Diogelwch yn y Gwaith sy'n ymwneud â mamau newydd neu feichiog;
- mesurau rheoli sydd wedi'u pennu a/neu wedi'u rhoi ar waith mewn ymateb i'r asesiad risg;
- tystysgrifau meddygol sy'n atal mamau newydd neu feichiog rhag gweithio yn ystod y nos;
- unrhyw hysbysiadau o feichiogrwydd gan weithwraig;
- unrhyw gofnodion iechyd a/neu wybodaeth berthnasol;
- manylion sy'n ymwneud â dod i gysylltiad â sylweddau peryglus;
- unrhyw gyfyngiadau neu waharddiadau sydd wedi'u gosod o ran cyflogi gweithwyr mewn gwaith penodol.

## **10. YSTYRIAETHAU ERAILL**

10.1 Rhaid i reolwyr sicrhau bod:



- cyfleusterau gorffwys addas yn cael eu darparu ar gyfer menywod beichiog a'r rhai sy'n bwydo o'r fron;
- cyfleusterau gorffwys ar gael ger toiledau sy'n cynnwys, lle bo angen, lle addas i orwedd.

## 11. **CYNGOR**

- 11.1 Mae modd cael cyngor ar weithredu'r polisi yma oddi wrth y Garfan Iechyd a Diogelwch, Adnoddau Dynol, Tŷ Elái, Trewiliam, CF40 1NY, rhif ffôn 01443 425531.

Mae croeso i chi gyfathrebu â ni yn y Gymraeg /  
You are welcome to communicate with us in Welsh

**RHESTR WIRIO I REOLWYR**

	✓ y blychau perthnasol		
	Dd/ B	Cytu no	An gh ytu no
• Oes asesiad risg wedi'i gynnal o'r risgiau penodol sy'n gysylltiedig ag iechyd a diogelwch mamau newydd a beichiog?			
• Oes camau wedi'u cymryd o ganlyniad i'r asesiad i leihau'r risgiau?			
• Lle mae risg sylweddol o hyd ar ôl ymdrechion i leihau'r risgiau, a oes camau wedi'u cymryd i'w dileu?			
• Oes ystyriaeth arbennig wedi cael ei rhoi i famau newydd neu feichiog sy'n gweithio yn ystod y nos?			
• Oes cyfleusterau gorffwys addas ar gael (gan gynnwys, lle bo angen, lle addas i orwedd) ar gyfer menywod beichiog a'r rhai sy'n bwydo o'r fron, ac a yw'r cyfleusterau yma wedi'u lleoli ger toiledau?			
• Oes gweithdrefnau ar waith i sicrhau bod gweithwyr yn effro i'r ffaith bod rhaid iddyn nhw hysbysu'r Cyngor, yn ysgrifenedig, eu bod nhw'n feichiog, wedi rhoi genedigaeth o fewn y chwe mis blaenorol, neu'n bwydo o'r fron?			
• Oes cofnodion priodol yn cael eu cadw?			
• Oes gweithdrefnau monitro ar waith i sicrhau bod gofynion y polisi yn cael eu bodloni?			

Wedi'i llenwi gan:  
gan: \_\_\_\_\_  
(Llofnod)

\_\_\_\_\_ Wedi'i gadarnhau  
(Llofnod)

Enw: \_\_\_\_\_  
(Llythrennau bras)

Enw: \_\_\_\_\_  
(Llythrennau bras)

Swydd: \_\_\_\_\_

Swydd: \_\_\_\_\_

Date: \_\_\_\_\_

Dyddiad: \_\_\_\_\_